

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ

**НОДАВЛАТ МАКТАБГАЧА ТАЪЛИМ
ТАШКИЛОТЛАРИГА ДАВЛАТ
БЮДЖЕТИ МАБЛАҒЛАРИ
ҲИСОБИДАН СУБСИДИЯЛАР
ВА КОМПЕНСАЦИЯЛАР
ТЎЛАШ БЎЙИЧА
УСЛУБИЙ ҚЎЛЛАНМА**

Тошкент – 2024

Нодавлат мактабгача таълим ташкилотларига Давлат бюджети маблағлари ҳисобидан субсидиялар ва компенсациялар тўлаш бўйича услубий қўлланма. Т.: Ўзбекистон Республикаси Адлия вазирлиги, 2024 й. – 34 б.

Нодавлат мактабгача таълим ташкилотларига Давлат бюджети маблағлари ҳисобидан субсидиялар ва компенсациялар тўлаш бўйича услубий қўлланмада нодавлат мактабгача таълим ташкилотларига Давлат бюджети маблағлари ҳисобидан бериладиган субсидиялар ва компенсацияларни тўлаш тартиби, бу соҳа билан боғлиқ амалга оширилган ислоҳотлар ҳамда ваколатли органларнинг вазифа ва функциялари содда тилда кўрсатиб ўтилган.

Ушбу услубий қўлланма **тавсиявий хусусиятга** эга.

© Ўзбекистон Республикаси Адлия вазирлиги, 2024 йил

МУНДАРИЖА

КИРИШ	4
НОДАВЛАТ МАКТАБГАЧА ТАЪЛИМ ТАШКИЛОТЛАРИГА ДАВЛАТ БЮДЖЕТИ МАБЛАҒЛАРИ ҲИСОБИДАН СУБСИДИЯЛАР ВА КОМПЕНСАЦИЯЛАР ТЎЛАШ ТАРТИБИ БЎЙИЧА ҚОНУНЧИЛИК ҲУЖЖАТЛАРИ	5
АСОСИЙ ТУШУНЧАЛАР	6
УМУМИЙ ҚОИДАЛАР	7
НОДАВЛАТ МАКТАБГАЧА ТАЪЛИМ ТАШКИЛОТЛАРИГА ДАВЛАТ БЮДЖЕТИ МАБЛАҒЛАРИ ҲИСОБИДАН СУБСИДИЯЛАР ВА КОМПЕНСАЦИЯЛАР ТЎЛАШДА МУҲИМ ҚОИДАЛАР	9
ДХШ АСОСИДАГИ МТТГА СУБСИДИЯЛАР ҲАМДА КОМПЕНСАЦИЯЛАРНИ ҲИСОБЛАШ ВА ТЎЛАШ ТАРТИБИ	11
ОИЛАВИЙ МТТГА СУБСИДИЯЛАРНИ ҲИСОБЛАШ ВА ТЎЛАШ ТАРТИБИ	17
ДХШ АСОСИДАГИ ВА БОШҚА НОДАВЛАТ МТТГА СУБСИДИЯЛАР ҲАМДА КОМПЕНСАЦИЯЛАРНИ ҲИСОБЛАШ ВА ТЎЛАШ ШАРТЛАРИ	22
ДХШ АСОСИДАГИ ВА БОШҚА НОДАВЛАТ МТТГА СУБСИДИЯЛАР ҲАМДА КОМПЕНСАЦИЯЛАРНИ ҲИСОБЛАШДА НМТТБАТДАН ФОЙДАЛАНИШ ТАРТИБИ	27
ИЛОВАЛАР	28

КИРИШ

“Бу борада, авваламбор, ёшлар ва болаларга эътибор ва амалий ғамхўрлик кўрсатиш, уларни жисмоний ва маънавий баркамол этиб тарбиялашга алоҳида аҳамият қаратмоқдамиз. Болаларни кичик ёшдан бошлаб ривожлантириш орқали келажакда уларнинг ўзлигини тўла намоён этишига мустақам замин яратаямиз. Зеро, бу эзгу мақсадимиз йўлида сарфланган инвестициялар эртага бир неча баробар ортиғи билан қайтишига шубҳа йўқ.”

Ш.М. Мирзиёев

Мамлакатимизда мактабгача таълим соҳасини ривожлантириш, мактабгача бўлган ёшдаги болаларни мактабгача таълим билан тўлиқ қамраб олиш учун чуқур ислохотлар амалга оширилмоқда.

Шунингдек, соҳани ривожлантириш учун хусусий сектор кириб келишига ҳам имконият яратилиб, ҳар бир тарбияланувчи бола учун давлат бюджети ҳисобидан субсидиялар бериш йўлга қўйилди. Олис ва чекка ҳудудларда минглаб оилавий боғчалар ташкил қилинди. Натижада, сўнгги йилларда мактабгача таълим муассасалари сони ўтган йилларга нисбатан бир неча баробарга ошганини кўриш мумкин.

Нодавлат мактабгача таълим ташкилотларини ҳар томонлама қўллаб-қувватлаш, болаларга муносиб шарт-шароитлар яратиш ҳамда мактабгача таълим билан қамраб олиш кўрсаткичларини ошириш мақсадида Давлат бюджети маблағлари ҳисобидан бериладиган субсидиялар ва компенсацияларни тўлаш борасида янги тартиб жорий қилинди.

Мазкур қўлланмада нодавлат мактабгача таълим ташкилотларига Давлат бюджети маблағлари ҳисобидан бериладиган субсидиялар ва компенсацияларни тўлаш тартиби соддароқ шаклда очиқ берилган.

Қўлланма ваколатли давлат органлари ҳамда аҳоли учун фойдали ва манфаатли бўлади деб умид қиламиз.

НОДАВЛАТ МАКТАБГАЧА ТАЪЛИМ ТАШКИЛОТЛАРИГА ДАВЛАТ БЮДЖЕТИ МАБЛАҒЛАРИ ҲИСОБИДАН СУБСИДИЯЛАР ВА КОМПЕНСАЦИЯЛАР ТЎЛАШ ТАРТИБИ БЎЙИЧА ҚОНУНЧИЛИК ҲУЖЖАТЛАРИ



Ўзбекистон Республикаси Конституцияси



Ўзбекистон Республикасининг “Мактабгача таълим ва тарбия тўғрисида”ги Қонуни



Ўзбекистон Республикасининг “Лицензиялаш, рухсат бериш ва хабардор қилиш тартиб-таомиллари тўғрисида”ги Қонуни.



Ўзбекистон Республикаси Вазирлар Маҳкамасининг 2022 йил 2 августдаги “Мактабгача таълим соҳасида давлат-хусусий шериклик муносабатларини замонавий рақамли технологиялар ёрдамида соддалаштириш чора-тадбирлари тўғрисида”ги қарори

АСОСИЙ ТУШУНЧАЛАР

мактабгача таълим ташкилоти — мактабгача таълим ва тарбия соҳасида таълим ва тарбия хизматлари кўрсатувчи давлат ва нодавлат ташкилоти;

нодавлат мактабгача таълим ташкилоти — нодавлат таълим хизматларини кўрсатиш соҳасидаги фаолиятни амалга оширишга доир лицензия асосида мактабгача таълим ва тарбия соҳасида таълим ва тарбия хизматларини кўрсатувчи юридик шахс;

мактабгача бўлган ёш — болаларнинг туғилган пайтидан етти ёшгача, то уларга умумий ўрта таълим ташкилотларида таълим бериш бошланган пайтга қадар бўлган ёши;

мактабгача таълим ва тарбия — болаларга таълим ва тарбия беришга, уларни интеллектуал, маънавий-ахлоқий, этик, эстетик ва жисмоний жиҳатдан ривожлантиришга, шунингдек болаларни умумий ўрта таълимга тайёрлашга қаратилган узлуксиз таълим тури;


НМТТБАТ — субсидиялар ва компенсацияларни тўлаш бўйича буюртманомалар автоматик тарзда шакллантириладиган нодавлат мактабгача таълим ташкилотларини бошқариш ахборот тизими;

ДХШ асосидаги МТТ — давлат-хусусий шериклик шартлари асосида фаолият юритадиган нодавлат мактабгача таълим ташкилотлари.

УМУМИЙ ҚОИДАЛАР

Ўзбекистон Республикаси Конституцияси болаларнинг мактабгача таълим олиш ҳуқуқини кафолатлаган ҳолда **50-модда** билан қуйидагиларни мустаҳкамлайди:

- ✔ Ҳар ким таълим олиш ҳуқуқига эга.
- ✔ Давлат узлуксиз таълим тизими, унинг ҳар хил турлари ва шакллари, давлат ва нодавлат таълим ташкилотлари ривожланишини таъминлайди.
- ✔ Давлат мактабгача таълим ва тарбияни ривожлантириш учун шарт-шароитлар яратади.
- ✔ Давлат бепул умумий ўрта таълим ва бошланғич профессионал таълим олишни кафолатлайди. Умумий ўрта таълим мажбурийдир.
- ✔ Мактабгача таълим ва тарбия, умумий ўрта таълим давлат назоратидадир.
- ✔ Таълим ташкилотларида алоҳида таълим эҳтиёжларига эга бўлган болалар учун инклюзив таълим ва тарбия таъминланади.



Бу муҳим

Мактабгача таълим ташкилотида сиёсий партиялар ва диний ташкилотларнинг ташкилий тузилмалари ташкил этилишига ҳамда фаолият юритилишига йўл қўйилмайди.



Нодавлат мактабгача таълим ташкилотлари қандай ташкил этилади?

Нодавлат мактабгача таълим ташкилоти	Ташкилий-ҳуқуқий шакли	Фаолиятининг асоси	Муассислари
	✓ юридик шахс ✓ яқка тартибдаги тадбиркор	✓ устав ✓ лицензия	✓ юридик шахс ✓ жисмоний шахслар



Нодавлат мактабгача таълим хизматларини лицензиялаш қайси орган томонидан амалга оширилади?

мактабгача таълим хизматлари



Ўзбекистон Республикаси
Мактабгача ва мактаб таълими
вазирлигидан **лицензия**

оилавий нодавлат мактабгача таълим ташкилотларининг хизматлари



Ўзбекистон Республикаси
Мактабгача ва мактаб таълими
вазирлигининг туман (шаҳар)
бўлимларини **ҳабардор қилиш**

Ҳуқуқий асослар:

Ўзбекистон Республикаси Конституцияси;

Ўзбекистон Республикасининг "Мактабгача таълим ва тарбия тўғрисида"ги Қонуни;

Ўзбекистон Республикасининг "Лицензиялаш, рухсат бериш ва хабардор қилиш тартиб-таомиллари тўғрисида"ги Қонуни.

НОДАВЛАТ МАКТАБГАЧА ТАЪЛИМ ТАШКИЛОТЛАРИГА ДАВЛАТ БЮДЖЕТИ МАБЛАҒЛАРИ ҲИСОБИДАН СУБСИДИЯЛАР ВА КОМПЕНСАЦИЯЛАР ТЎЛАШДА **МУҲИМ** **ҚОИДАЛАР**

Нодавлат мактабгача таълим ташкилотларига **Давлат бюджети маблағлари ҳисобидан субсидиялар ва компенсациялар** тўлашнинг мақсади:

- ✓ нодавлат мактабгача таълим ташкилотларини ҳар томонлама қўллаб-қувватлаш;
- ✓ болаларга муносиб шарт-шароитлар яратиш;
- ✓ мактабгача таълим билан қамраб олиш кўрсаткичларини оширишдан иборат.

Ёдда тутинг

Давлат-хусусий шериклик шартлари асосида фаолият юритадиган



нодавлат мактабгача таълим ташкилотларига оилавий нодавлат мактабгача таълим ташкилотларига субсидиялар ва компенсациялар давлат-хусусий шериклик тўғрисидаги битим амал қилиш даврида, ўқув йили ва соғломлаштириш даври мобайнида ҳисобланади ва тўланади.



Нодавлат мактабгача таълим ташкилотларига Давлат бюджети маблағлари ҳисобидан субсидиялар ва компенсациялар тўлашда қўлланиладиган **асосий тушунчалар**:

давлат-хусусий шериклик — давлат шериги ва хусусий шерикнинг муайян муддатга юридик жиҳатдан расмийлаштирилган, давлат-хусусий шериклик лойиҳасини амалга ошириш учун ўз ресурсларини бирлаштиришга асосланган мактабгача таълим соҳасидаги ўзаро самарали ҳамкорлиги;

давлат-хусусий шериклик тўғрисидаги битим томонлари — давлат шериги ва хусусий шерик;

давлат шериги — Мактабгача ва мактаб таълими вазирлиги;

хусусий шерик — қонунчилик ҳужжатларига мувофиқ рўйхатдан ўтказилган, давлат шериги билан нодавлат мактабгача таълим ташкилоти фаолиятини юритиш учун давлат-хусусий шериклик тўғрисида битим тузган тадбиркорлик субъекти;

давлат-хусусий шериклик тўғрисида битим — томонларнинг ҳуқуқлари, мажбуриятлари ва жавобгарлигини, шунингдек, давлат-хусусий шериклик лойиҳасини ижро этишнинг бошқа шартларини белгиловчи давлат шериги ва хусусий шерик ўртасида тузилган шартнома.


Ҳуқуқий асос

Ўзбекистон Республикаси Вазирлар Маҳкамасининг 2022 йил 2 августдаги “Мактабгача таълим соҳасида давлат-хусусий шериклик муносабатларини замонавий рақамли технологиялар ёрдамида соддалаштириш чора-тадбирлари тўғрисида”ги қарори



ДХШ АСОСИДАГИ МТТГА СУБСИДИЯЛАР ҲАМДА КОМПЕНСАЦИЯЛАРНИ ҲИСОБЛАШ ВА ТЎЛАШ ТАРТИБИ

ДХШ асосидаги МТТга (оилавий МТТ бундан мустасно) Давлат бюджети маблағлари ҳисобидан қуйидаги субсидиялар тўланади:


 ДХШ асосидаги МТТга ушбу ташкилотларда таълим олаётган ҳар бир бола учун 9 соатлик иш режимидаги давлат мактабгача таълим ташкилотининг бир нафар тарбияланувчисига сарфланадиган харажатлар суммасига нисбатан:


Тошкент шаҳрида — 30 фоиз миқдорида;

Нукус шаҳри ҳамда вилоятлар марказларида — 40 фоиз миқдорида;

олис ва чекка ҳудудларда жойлашган ДХШ асосидаги МТТда — 75 фоиз миқдорида;

қолган ҳудудларда — 50 фоиз миқдорида;

 Ўзбекистон Республикаси Президентининг 2018 йил 5 апрелдаги ПҚ-3651-сон қарори билан тасдиқланган Мактабгача таълим соҳасида давлат-хусусий шериклик тўғрисидаги низомнинг 12-бобида назарда тутилган хусусий шерик мулки негизида ташкил этилган ДХШ асосидаги МТТга (*кейинги ўринларда — хусусий шерик мулки негизида ташкил этилган ДХШ асосидаги МТТ*) **директор, методист, тарбиячи, дефектолог, психолог, мусиқа ходимларининг иш ҳақини тўлаш учун** — давлат мактабгача таълим ташкилотларида ушбу ходимлар учун белгиланган меҳнатга ҳақ тўлаш шартлари ва миқдорларида;

 фарзанди ДХШ асосидаги МТТда таълим ва тарбия олаётган **боқувчисини йўқотган аёлларнинг ота-оналар тўловини қоплаш учун** — тегишли ҳудуддаги 9 соатлик иш режимидаги давлат мактабгача таълим ташкилотлари учун белгиланган миқдорларда.

Бу муҳим

Олис ва чекка ҳудудларда жойлашган ДХШ асосидаги МТТда (оилавий МТТлар бундан мустасно) “Ёшлар дафтари”, “Темир дафтар” ёки “Аёллар дафтари”га киритилган оилаларнинг ҳар бир тарбияланувчи фарзандлари учун мазкур дафтарлар жамғармалари ҳисобидан давлат мактабгача таълим ташкилотининг бир нафар тарбияланувчиси учун сарфланадиган харажатлар суммасининг **25 фоизи** миқдорида субсидия тўланади.

Бунда мазкур субсидия ушбу Низомнинг **олис ва чекка ҳудудларда жойлашган ДХШ асосидаги МТТда бериладиган 75 фоиз миқдорида субсидияга қўшимча равишда** НМТТБАТдаги болалар тўғрисидаги маълумотлар асосида мазкур жамғарма маблағларини тасарруф этувчи органлар томонидан тўланади.



ДХШ асосидаги МТТга уларда таълим олаётган ҳар бир бола учун ойлик субсидия суммаларини НМТТБАТда ҳисоб-китоб қилиш:

$$\text{КХС} = \text{ДБХ} / \text{УБС} / \text{ИКС} * \text{СБФ}$$

$$\text{ТОС} = \text{КХС} * \text{ТҚС}$$

Бунда:

КХС — ДХШ асосидаги МТТга бир нафар тарбияланувчисининг бир кунлик харажатини қоплашга ажратиладиган субсидиянинг республика бўйича қатъий миқдори;

ДБХ — жорий молия йилида Давлат бюджети маблағлари ҳисобидан 9 соатлик иш режимидаги умумий типдаги давлат мактабгача таълим ташкилотларини сақлаш харажатлари учун ажратилган маблағлар миқдори;

УБС — давлат мактабгача таълим ташкилотларининг “Болалар боғчаси” мактабгача таълимни бошқариш ахборот тизимида рўйхатга олинган умумий болалар сони;

ИКС — жорий йилдаги иш кунлари сони;

СБФ — мазкур Низомнинг 6-банди “а” кичик бандида белгиланган ҳудудлар бўйича субсидиянинг белгиланган фоизи;

ТОС — ҳисобот ойида тарбияланувчилар учун тўланадиган ойлик субсидия суммаси;

ТҚС — ҳисобот ойида тарбияланувчининг ҳақиқатда ушбу МТТга қатнаган кунлари сони.



Хусусий шерик мулки негизда ташкил этилган ДХШ асосидаги МТТларга иш ҳақи харажатларини қоплаш учун субсидияни давлат мактабгача таълим ташкилотлари

ходимларининг лавозими, маълумоти ва малака тоифаси ҳисобга олинган ҳолда НМТТБАТда ҳисоб-китоб қилиш:

$$\text{ИХС} = (\text{БТС} * \text{ХИС} / \text{ИКС} * (\text{ДКС} + \text{АКС}) + \text{ТКС}) * (1 + \text{ИСС})$$

Бунда:

ИХС — хусусий шерик мулки негизда ташкил этилган ДХШ асосидаги МТТ ходимига иш ҳақи харажатларини қоплаш учун субсидия суммаси (ҳар бир ходим учун алоҳида ҳисобланиб, жамланади);

БТС — ходимнинг лавозими, маълумоти ва малака тоифаси учун белгиланган базавий тариф ставкаси;

ХИС — ходимнинг лавозими бўйича белгиланган иш ставкаси;

ИКС — жорий ойдаги иш кунлари сони;

АКС — ходимнинг айбисиз (ҳудуддаги фавқулодда ҳолатлар, об-ҳавонинг кескин совиб ёки исиб кетиши натижасида маҳаллий ҳокимликлар қарорлари асосида таълим муассасаларининг фаолияти вақтинча тўхтатилганда, санитария-эпидемиологик вазиятлар ва бошқа фавқулодда ҳолатлар рўй берганида) бекор туриб қолинган кунлар сони;

ИСС — хусусий шерик мулки негизда ташкил этилган ДХШ асосидаги МТТ учун қонунчиликда белгиланган ижтимоий солиқ ставкаси;

ТКС — МТТ жойлашган ҳудуд учун қонунчиликда белгиланган туман коэффиценти суммаси;

ДКС — НМТТБАТда қайд этилган ходимнинг давомат кунлари сони.

nodavlat-bogcha.uz

Nodavlat Bog'cha

Loyiha haqida Afzalliklari Ma'lumotlar MTT joylashuvi Onlayn xizmatlar Bog'lanish UZ RU Tizimga kirish

Maktabgacha ta'lim tashkilotlarini boshqarish tizimi

Maktabgacha ta'lim tashkilotlari faoliyatini raqamlashtirish, davlat-xususiy sheriklik loyihasi doirasida nodavlat maktabgacha ta'lim tashkilotlari faoliyatini tashkil etishda ko'maklashish, ularni davlat tomonidan moliyaviy qo'llab-quvvatlash hamda o'quv-tarbiyaviy jarayonlarni real vaqt rejimida monitoring qilish bo'yicha kompleks axborot tizimi

Yangi NTT ochish uchun ariza berish Ariza holatini tekshirish Qo'shimcha bitim

[\(https://nodavlat-bogcha.uz/\)](https://nodavlat-bogcha.uz/)

ДХШ асосидаги МТТ (оилавий МТТлар бундан мустасно) ва бошқа нодавлат МТТга ҳисобот ойида фойдаланган **электр энергияси** ва **табиий газ хизматлари** нархининг **50 фоизи миқдорида** Давлат бюджети маблағлари ҳисобидан ҳар ойлик **компенсация** тўланади.



ДХШ асосидаги МТТ (оилавий МТТлар бундан мустасно) ва бошқа нодавлат МТТга тўланадиган электр энергияси хизматларидан фойдаланиш харажатлари учун компенсациянинг ойлик максимал суммасини НМТТБАТда ҳисоб-китоб қилиш:

$$\text{ЭКМ} = \text{ДБХ} / \text{УБС} / \text{ИКС} * 0,5$$

$$\text{ЭКС} = \text{ЭКМ} * \text{ТҚС}$$

Бунда:

ЭКМ — электр энергияси хизматларидан фойдаланиш харажатлари учун бир нафар тарбияланувчига тўланадиган компенсациянинг кунлик қатъий миқдори;

УБС — давлат мактабгача таълим ташкилотларининг “Болалар боғчаси” мактабгача таълимни бошқариш ахборот тизимида рўйхатга олинган умумий болалар сони;

ДБХ — 9 соатлик иш режимидаги умумий типдаги давлат мактабгача таълим ташкилотларига тегишли молия йилида Давлат бюджетидан электр энергияси хизматларидан фойдаланиш харажатлари учун ажратилган маблағларнинг умумий суммаси;

ИКС — жорий йилда иш кунлари сони;
ЭКС — электр энергияси хизматларидан фойдаланиш харажатлари учун тўланадиган компенсациянинг ойлик максимал суммаси;

ТҚС — ҳисобот ойида ҳар бир тарбияланувчининг ҳақиқатда ушбу МТТга қатнаган кунлари сони.





ДХШ асосидаги МТТ (оилавий МТТлар бундан мустасно) ва бошқа нодавлат МТТга тўланадиган табиий газ хизматларидан фойдаланиш харажатлари учун компенсациянинг ойлик суммасини ҳисоб-китоб қилиш:

$$\text{ГКМ} = \text{ДБХ} / \text{УБС} / \text{ИКС} * 0,5$$

$$\text{ГКС} = \text{ГКМ} * \text{ТҚС}$$

Бунда:

ГКМ — табиий газ хизматларидан фойдаланиш харажатлари учун бир нафар тарбияланувчига тўланадиган компенсациянинг кунлик қатъий миқдори;

УБС — давлат мактабгача таълим ташкилотларининг “Болалар боғчаси” мактабгача таълимни бошқариш ахборот тизимида рўйхатга олинган умумий болалар сони;

ДБХ — 9 соатлик иш режимидаги умумий типдаги давлат мактабгача таълим ташкилотларига тегишли молия йилида Давлат бюджетидан газ хизматларидан фойдаланиш харажатлари учун ажратилган маблағларнинг умумий суммаси;

ИКС — жорий йилда иш кунлари сони;

ГКС — табиий газ хизматларидан фойдаланиш харажатлари учун тўланадиган компенсациянинг ойлик максимал суммаси;

ТҚС — ҳисобот ойида ҳар бир тарбияланувчининг ҳақиқатда ушбу МТТга қатнаган кунлари сони.

✓ ДХШ асосидаги МТТ (оилавий МТТлар бундан мустасно) ва бошқа нодавлат МТТга **электр энергияси хизматларидан фойдаланиш харажатлари учун компенсация** ҳисобот ойида улар томонидан ҳақиқатда фойдаланилган электр энергияси нархининг **50 фоизи** миқдорида, бироқ электр энергиясидан фойдаланиш харажатлари учун компенсациянинг ойлик максимал суммасидан (ЭКСдан) ошмаган ҳолда тўланади.

✓ ДХШ асосидаги МТТ (оилавий МТТлар бундан мустасно) ва бошқа нодавлат МТТнинг ҳисобот ойида ҳақиқатда фойдаланилган электр энергияси харажатлари тўғрисидаги маълумотлар электр энергиясини етказиб берувчи ташкилотлар томонидан идоралараро электрон маълумот алмашинуви орқали **НМТТБАТ**га тақдим этилади.

✓ **Табиий газдан фойдаланиш харажатлари учун компенсация тўловлари** барча ДХШ асосидаги МТТ (оилавий МТТлар бундан мустасно) ва бошқа нодавлат МТТга уларда

марказлашган табиий газ таъминоти мавжуд бўлиши ёки бўлмаслигидан қатъи назар тўланади.


✔ **Электр энергияси ва табиий газ хизматларидан фойдаланиш харажатлари учун компенсациялар** ДХШ асосидаги МТТ (оилавий МТТлар бундан мустасно) ва бошқа нодавлат МТТнинг НМТТБАТ орқали Мактабгача ва мактаб таълими вазирлигига **бир йилда бир маротаба юборган аризаси асосида ҳисобот ойдан кейинги ойнинг 10-кунига қадар ҳисобланади.**


✔ Бунда компенсация тўловлари ариза берилган кундан кейин келадиган иш кунидан бошлаб тарбияланувчиларнинг ҳақиқий давоматидан келиб чиқиб ҳисоблаб борилади.




ОИЛАВИЙ МТТГА СУБСИДИЯЛАРНИ ҲИСОБЛАШ ВА ТЎЛАШ ТАРТИБИ


Оилавий МТТга Давлат бюджети маблағлари ҳисобидан қуйидаги **субсидиялар** тўланади:


 **2024 йил 1 августдан** бошлаб **Тошкент шаҳрида** фаолият юритаётган оилавий МТТлар томонидан ёлланган **тарбиячи ва тарбиячи ёрдамчиларига иш ҳақини тўлаш учун** — 9 соатлик иш режимидаги давлат мактабгача таълим ташкилотларида ушбу ходимлар учун белгиланган меҳнатга ҳақ тўлаш шартлари ва миқдорларида;


 **2024 йил 1 августдан** бошлаб **Қорақалпоғистон Республикаси ва вилоятларнинг 1 ва 2-тоифадаги туман (шаҳар)ларида** фаолият юритаётган оилавий МТТларга:

улар томонидан ёлланган **тарбиячи ва тарбиячи ёрдамчиларига иш ҳақини тўлаш учун** — 9 соатлик давлат мактабгача таълим ташкилотлари учун белгиланган иш ҳақининг **75 фоизи** миқдориди;


 уларда таълим олаётган ҳар бир болани овқатлантириш, юмшоқ жиҳозлар (матраслар, ёстиқлар, кўрпалар, чойшаблар, кўрпа ва ёстиқ жилдлари, ёпинғичлар, қоп-кўрпа) ҳамда дори-дармонлар билан таъминлашга сарфланадиган харажатларни қоплаш учун — давлат мактабгача таълим ташкилотларида белгиланган нормативларнинг **75 фоизи** миқдориди;

 **2024 йил 1 августдан бошлаб 2025 йил 1 январга қадар** 3-тоифадаги туман (шаҳар)ларда фаолият юритаётган оилавий МТТларга:

 улар томонидан ёлланган **тарбиячи ва тарбиячи ёрдамчиларига иш ҳақини тўлаш учун** — 9 соатлик давлат мактабгача таълим ташкилотлари учун белгиланган иш ҳақининг **90 фоизи** миқдориди;


 уларда таълим олаётган ҳар бир болани овқатлантириш, юмшоқ жиҳозлар (матраслар, ёстиқлар, кўрпалар, чойшаблар, кўрпа ва ёстиқ жилдлари, ёпинғичлар, қоп-кўрпа) ҳамда дори-дармонлар билан таъминлашга сарфланадиган харажатларни қоплаш учун — давлат

мактабгача таълим ташкилотларида белгиланган нормативларнинг **90 фоизи** миқдорида;

 **2025 йил 1 январдан** бошлаб **3-тоифадаги туман (шаҳар)ларда** фаолият юритаётган оилавий МТТларга:


✔ улар томонидан ёлланган тарбиячи ва тарбиячи ёрдамчиларига иш ҳақини тўлаш учун — 9 соатлик давлат мактабгача таълим ташкилотлари учун белгиланган иш ҳақининг **85 фоизи** миқдорида;

✔ уларда таълим олаётган ҳар бир болани овқатлантириш, юмшоқ жиҳозлар (матраслар, ёстиқлар, кўрпалар, чойшаблар, кўрпа ва ёстиқ жилдлари, ёпинғичлар, қоп-кўрпа) ҳамда дори-дармонлар билан таъминлашга сарфланадиган харажатларни қоплаш учун — давлат мактабгача таълим ташкилотларида белгиланган нормативларнинг **85 фоизи** миқдорида;

 **4 ва 5-тоифадаги туман (шаҳар)ларда** фаолият юритаётган оилавий МТТларга:

✔ улар томонидан ёлланган тарбиячи ва тарбиячи ёрдамчиларига иш ҳақини тўлаш учун — 9 соатлик давлат мактабгача таълим ташкилотлари учун белгиланган меҳнатга ҳақ тўлаш шартлари ва миқдорларида;

✔ уларда таълим олаётган ҳар бир болани овқатлантириш, юмшоқ жиҳозлар (матраслар, ёстиқлар, кўрпалар, чойшаблар, кўрпа ва ёстиқ жилдлари, ёпинғичлар, қоп-кўрпа) ҳамда дори-дармонлар билан таъминлашга сарфланадиган харажатларни қоплаш учун — давлат мактабгача таълим ташкилотларида белгиланган нормативлар бўйича;

 фарзанди оилавий МТТда таълим ва тарбия олаётган **боқувчисини йўқотган аёлларнинг ота-оналар бадали тўловларини қоплаш учун** — тегишли ҳудуддаги 9 соатлик давлат мактабгача таълим ташкилотлари учун белгиланган ота-оналар бадали тўловлари миқдорида.

Ёдда тутинг

Оилавий МТТга улар томонидан ёлланган тарбиячи ва тарбиячи-ёрдамчиларга иш ҳақини тўлаш учун субсидиялар башарти ушбу **МТТнинг ҳар бир гуруҳида тарбияланаётган болалар сони камида 12 нафарни ташкил қилганда** тўланади.

Бунда субсидиялар оилавий МТТдаги гуруҳлар сонидан келиб чиқиб, кўпи билан **4,5 та штат бирлигида** (*Тошкент шаҳри, Нукус шаҳри ва вилоятлар марказларида — 2,25 штат бирлигигача*), шу жумладан, бир гуруҳда — **1,25 штат бирлигида тарбиячи** ва **1 штат бирлигида тарбиячи ёрдамчиси** лавозимида банд бўлган ходимларнинг иш ҳақини тўлаш учун ажратилади.

Оилавий МТТнинг тарбиячилари ва тарбиячи ёрдамчилари ишда бўлмаган вақт (*меҳнат таътили, ўз ҳисобидан таътил, касаллик варақаси очилган давр ва бошқа ҳолатлар*)да уларнинг ўрнига вақтинча ёллаган бошқа тарбиячилар ва тарбиячи ёрдамчилари ишлаган кунлар бўйича ҳақиқий давоматидан келиб чиқиб иш ҳақи учун субсидия ҳисобланади ва тўланади.

Бунда оилавий МТТ раҳбари янги ёлланган тарбиячилар ва тарбиячи ёрдамчилари тўғрисидаги маълумотларни НМТТБАТга киритиши лозим.

Оилавий МТТнинг тарбиячилари ва тарбиячи ёрдамчилари меҳнат таътили, ҳомиладорлик ва туғиш таътилига чиққанда уларнинг таътил ва нафақа пулларини қоплаш учун субсидиялар ажратилмайди.



Оилавий МТТга иш ҳақи харажатларини қоплаш учун субсидияни давлат мактабгача таълим ташкилотлари ходимларининг лавозими, маълумоти ва малака тоифаси ҳисобга олинган ҳолда НМТТБАТда ҳисоб-китоб қилиш:

$$\text{ИҲС} = (\text{БТС} * \text{ХИС} / \text{ИКС} * (\text{ДКС} + \text{АКС}) + \text{ТКС}) * (1 + \text{ИСС})$$

Бунда:

ИҲС — оилавий МТТ ходимига иш ҳақи **ХИС** — ходимнинг лавозими бўйича харажатларини қоплаш учун субсидия белгиланган иш ставкаси; суммаси (ҳар бир ходим учун алоҳида **ИКС** — жорий ойдаги иш кунлари сони; ҳисобланиб, жамланади);

АКС — ходимнинг айбисиз (худуддаги фавқулодда ҳолатлар, об-ҳавонинг кескин совуб ёки исиб кетиши натижасида маҳаллий ҳокимликлар қарорлар асосида таълим муассасаларининг фаолияти вақтинча тўхтатилганда, санитария-эпидемиологик вазиятлар ва бошқа фавқулодда ҳолатлар рўй берганида) бекор туриб қолинган кунлар сони. Бунда ушбу кунлар сони оилавий МТТ раҳбари томонидан НМТТБАТда белгиланади ва асословчи ҳужжатлар тегишли мактабгача таълим органига НМТТБАТ орқали тақдим этилади;

ТКС — оилавий МТТ жойлашган худуд учун қонунчиликда белгиланган туман коэффиценти суммаси;

ДКС — НМТТБАТда қайд этилган ходимнинг даволат кунлари сони;

ИСС — хусусий шерик мулки негизида ташкил этилган ДХШ асосидаги МТТлар учун қонунчиликда белгиланган ижтимоий солиқ ставкаси;

БТС — ходимнинг лавозими, маълумоти ва малака тоифаси учун белгиланган базавий тариф ставкаси.

Оилавий МТТда:

➤ иш ҳақи харажатлари бюджет субсидиялари ҳисобидан молиялаштириладиган ходимлардан амалдаги қонунчиликда белгиланган миқдорларда **ижтимоий солиқ, жисмоний шахслардан олинадиган даромад солиғи, шахсий жамғариб бориладиган пенсия ҳисобварағига бадал тўловлари** ҳамда **ходимларга тўланадиган иш ҳақи суммалари** ҳар бир ходим учун **НМТТБАТда** ҳисобланади ва Иқтисодиёт ва молия вазирлигининг ахборот тизимига юборилади;

➤ жисмоний шахслардан олинадиган даромад солиғи ва бошқа ажратмалар ушлаб қолингандан кейин ҳисобланган иш ҳақи туман (шаҳар) мактабгача таълим бўлимлари орқали Молия вазирлигининг тегишли ахборот тизими ёрдамида туман (шаҳар) маҳаллий бюджетларидан тўғридан-тўғри оилавий МТТ ходимларининг тегишли **банк пластик карталарига** ўтказиб берилади.

➤ Оилавий МТТдан ва уларнинг ходимларидан ушлаб қолинган ижтимоий солиқ, жисмоний шахслардан олинадиган даромад солиғи ва шахсий жамғариб бориладиган пенсия ҳисобварағига бадал тўловлари туман (шаҳар) мактабгача таълим бўлимлари томонидан тегишлича туман (шаҳар) пенсия, солиқ органларига ва халқ банки бўлимларига тўлов топшириқнома асосида ўтказилади ҳамда ушбу солиқ ва бадал тўловларни тўлаётган якка тартибдаги тадбиркор номи ва унинг ходимлари маълумотлари (Ф.И.О, паспорт

серияси, рақами ва бошқа) ва тўлов суммаси кўрсатилган ҳолда электрон тўлов қайднома (ведомость) жўнатилади.

Оилавий МТТда қуйидагилар учун субсидиянинг ойлик суммаси НМТТБАТда ҳисоб-китоб қилинади:

овқатланиш харажатларини қоплаш учун	юмшоқ жиҳозлар харажатларини қоплаш учун	дори воситалари харажатларини қоплаш учун
$КОХ = (ДБХ/УБС + ОТМ*12)/ИКС$	$ОЮХ = ДБХ / УБС / 12$	$ОДХ = ДБХ / УБС / 12$
$ОХС = КОХ * ТҚС$	$ОЮС = ОЮХ * ДТС$	$ОДС = ОДХ * ДТС$

Бунда:

КОХ — оилавий МТТга бир нафар тарбияланувчисининг бир кунлик овқатланиш харажати қоплашга ажратиладиган субсидиянинг республика бўйича қатъий миқдори;

ТҚС — ҳисобот ойида ҳар бир тарбияланувчининг ҳақиқатда ишбу МТТга қатнаган кунлари сони;

ДБХ — тегишли молия йилида 9 соатлик иш режимдаги умумий типдаги давлат мактабгача таълим ташкилотларига (қонунчилик ҳужжатларига мувофиқ ота-оналар тўловлари бўйича имтиёз берилган туманларда жойлашган давлат мактабгача таълим ташкилотлари бундан мустасно)

Давлат бюджети маблағлари ҳисобидан озик-овқат харажатларини қоплаш учун ажратилган маблағлар миқдори;

ОХС — ҳисобот ойида тарбияланувчиларни овқатлантириш учун тўланадиган ойлик субсидия суммаси;

ОЮХ — оилавий нодавлат МТТнинг бир нафар тарбияланувчисини бир ойлик юмшоқ жиҳозлар билан таъминлаш харажатларини қоплашга ажратиладиган субсидиянинг республика бўйича қатъий миқдори;

ОЮС — ҳисобот ойида тарбияланувчиларни юмшоқ жиҳозлар билан таъминлаш учун ойлик субсидия суммаси;

ОТМ — туман марказларида жойлашган 9 соатлик иш режимдаги умумий типдаги давлат мактабгача таълим ташкилотларида болалар таъминоти учун бир ойлик ота-оналар тўлови миқдори;

ДТС — ҳисобот ойида давомати 40 фоиздан юқори бўлган тарбияланувчилар сони;

ОДХ — оилавий нодавлат МТТнинг бир нафар тарбияланувчисини бир ойлик дори воситалари билан таъминлаш харажатларини қоплашга ажратиладиган субсидиянинг республика бўйича қатъий миқдори;

ОДС — ҳисобот ойида тарбияланувчиларни дори воситалари билан таъминлаш учун ойлик субсидия суммаси;

УБС — давлат мактабгача таълим ташкилотларининг “Болалар боғчаси” мактабгача таълимни бошқариш ахборот тизимида рўйхатга олинган умумий болалар сони;

ИКС — жорий йилдаги иш кунлари сони.

ДХШ АСОСИДАГИ ВА БОШҚА НОДАВЛАТ МТТГА СУБСИДИЯЛАР ҲАМДА КОМПЕНСАЦИЯЛАРНИ **ҲИСОБЛАШ ВА ТЎЛАШ ШАРТЛАРИ**

ДХШ асосидаги МТТга субсидия ажратиш **давлат-хусусий шериклик тўғрисидаги битимда кўрсатилган муддат давомида** амалга оширилади.

ДХШ асосидаги МТТга Давлат бюджети маблағлари ҳисобидан субсидиялар уларда таълим олаётган **3 ёш ва ундан катта ёшдаги** (боқувчисини йўқотган аёлларнинг 2 ёш ва ундан катта ёшдаги), шу жумладан, **7 ёшга тўлган, бироқ мактабга қабул даврини кутаётган болалар** учун тўланади.

Боқувчисини йўқотган аёллар ва уларнинг фарзандлари рўйхати НМТТБАТга Молия вазирлиги ҳузуридаги бюджетдан ташқари Пенсия жамғармасининг ахборот тизимидан ўзаро электрон ахборот алмашинуви орқали олинади.

ДХШ асосидаги ва бошқа нодавлат МТТ учун субсидиялар ва компенсацияларнинг қатъий миқдорлари Иқтисодиёт ва молия вазирлиги ва Мактабгача ва мактаб таълими вазирлиги томонидан 2022 йилнинг август ойида — 2022 йил август ойидан 2023 йил март ойигача бўлган муддат учун, кейинги йилларда эса **ҳар йили апрель ойида — жорий йил апрель ойидан кейинги йилнинг март ойигача** бўлган муддат учун тасдиқланади.

Молия йили давомида қонунчилик ҳужжатларига мувофиқ меҳнатга ҳақ тўлаш миқдорлари ва шартлари ўзгарган ҳолатларда ДХШ асосидаги МТТга тўланадиган иш ҳақи харажатлари учун **субсидияларнинг миқдорлари қайта кўриб чиқилади.**

Бунда ДХШ асосидаги МТТга тўланадиган субсидияларнинг янги миқдорлари қонунчиликка киритилган ўзгаришлар кучга кирган санадан бошлаб ҳисоблаб борилади.

Субсидиялар ва компенсацияларни молиялаштириш учун зарур маблағлар тегишли молия йили учун республика бюджети параметрларида Мактабгача ва мактаб таълими вазирлиги учун

ажратилади, кейинчалик ҳар ойда НМТТБАТда ҳисобланган субсидиялар ва компенсациялар миқдоридан келиб чиқиб тегишли туман (шаҳар) маҳаллий бюджетлари бўйича тақсимланади ва молиялаштирилади.

Субсидия олиш ҳуқуқига эга бўлган МТТларга субсидиялар ушбу ташкилотлар томонидан **ходимлар ва тарбияланувчилар ҳақида маълумотлар** НМТТБАТга киритилган кундан кейинги иш кунидан бошлаб **беш кунлик иш ҳафтаси ҳисобидан** ҳисоблаш бошланади.

Бунда:

оилавий МТТга субсидиялар оилавий МТТ ўз фаолиятини бошлаши тўғрисида хабарнома бўйича белгиланган тартибда берилган тасдиқномага асосан, ушбу тасдиқнома берилган кундан кейинги иш кунидан бошлаб ҳисобланади;

субсидиялар суммаси ДХШ асосидаги МТТнинг ходимлари ва тарбияланувчиларнинг ҳақиқий давоматидан келиб чиқиб автоматик равишда ҳисобланади ва тўланади.

Ҳисобот ойида НМТТБАТда хусусий шерик мулки негизида ташкил этилган ДХШ асосидаги МТТ ва оилавий МТТнинг гуруҳларидаги тарбияланувчилари бўйича ўртача ойлик давомати фоизи **40 фоиздан кам бўлганда, ҳисобот ойи учун ходимларига иш ҳақида субсидия ҳисобланмайди ва тўланмайди.**



Тарбияланувчиларнинг ўртача ойлик давомати қуйидаги формула асосида аниқланади:

$$\text{ЎОД} = \text{ҚДФ} / \text{ИКС}$$

Бунда:

ЎОД — тарбияланувчиларнинг ўртача ойлик давомати;

ҚДФ — ҳисобот ойи давомида тарбияланувчиларнинг ҳар кунлик давоматининг фоизи жамланмаси. Бунда тарбияланувчиларнинг ҳар кунлик давомат фоизи МТТга келган тарбияланувчилар сонини ушбу кунда НМТТБАТда рўйхатга олинган тарбияланувчилар сонига бўлиш ва 100 фоизга кўпайтириш йўли билан аниқланади;

ИКС — ҳисобот ойида иш кунлари сони.

ДХШ асосидаги МТТнинг ходимлари (иш ҳақи харажатларини қоплаш учун субсидия олмайдиган ДХШ асосидаги МТТ ходимлари

бундан мустасно) ва тарбияланувчиларининг ҳақиқий давомати ҳисоби НМТТБАТда жисмоний шахсни биометрик идентификация қилиш технологияси орқали юритилади.

☑ Биометрик идентификация қилиш жараёни ДХШ асосидаги МТТ ва бошқа нодавлат МТТ раҳбари ёки ходимларининг смартфонлари ёхуд планшетлари ёрдамида, ушбу ташкилотнинг жойлашуви (геолокацияси) ҳисобга олинган ҳолда **ҳар иш куни бир маротаба** қуйидагича амалга оширилади:

📅 **тўлиқ кунли (9, 10,5 ва 12 соат) гуруҳларда** — ҳар иш куни соат 07.00 — 17.00 гача;

📅 **болалар қисқа вақт бўладиган гуруҳларда** — ушбу гуруҳларнинг иш режимидан келиб чиқиб ишнинг ҳар бир сменасидаги вақт мобайнида.



ДХШ асосидаги МТТ, шу жумладан, оилавий МТТ томонидан бир боланинг маълумотлари НМТТБАТга киритилиб, унинг фотосурати ўрнига **бошқа бола (тарбияланувчи)нинг фотосурати ушбу ахборот тизимига жойлаштирилганлиги ва унинг асосида давомати белгиланиб келинаётганлиги аниқланганда:**

! мазкур тарбияланувчи МТТга қатнаган барча даври учун тўланган субсидиялар суммаси тўлиқ **Давлат бюджетига ундирилади;**

! ушбу ҳолат аниқланган ойдан бошлаб **уч ой давомида** субсидия тўловлари мазкур ДХШ асосидаги МТТга ҳисобланмайди ва тўланмайди. Бундай ҳолат **иккинчи марта аниқланганда** ушбу ДХШ асосидаги МТТ билан давлат-хусусий шериклик тўғрисидаги битим бекор қилинади ва қайта тузилмайди.

☑ НМТТБАТнинг мобил иловасидан интернет тармоғисиз (офлайн режимда) фойдаланган ҳолларда ДХШ асосидаги ва бошқа нодавлат МТТ ходимлари ва тарбияланувчилари давомати бўйича қайд этилган маълумотлар **ҳисобот ойдан кейинги ойнинг 5-кунидан кечикмасдан** интернет тармоғига уланган ҳолда (онлайн режимда) НМТТБАТга тақдим этилиши зарур.

НМТТБАТга маълумотларни ўз вақтида тақдим этмаган ДХШ асосидаги ва бошқа нодавлат МТТга Давлат бюджети

*маблағлари ҳисобидан **субсидиялар ва компенсациялар тўланмайди.***

Ҳисобот ойдан кейинги ойнинг 10-кунига қадар ДХШ асосидаги ва бошқа нодавлат МТТнинг туман ва шаҳарлар бўйича тўлов рўйхатлари (*ҳисобланган субсидиялар ва компенсациялар ҳамда бошқа зарур маълумотлар*) автоматик равишда электрон кўринишда НМТТБАТда шаклланади ва Иқтисодиёт ва молия вазирлигининг ахборот тизимида идоралараро маълумот алмашинуви орқали тақдим этилади.

Туман (шаҳар) мактабгача ва мактаб таълими бўлимлари **икки иш куни мобайнида** НМТТБАТ орқали тақдим этилган реестр асосида субсидия ва компенсацияларни тегишли ДХШ асосидаги ва нодавлат МТТнинг тижорат банкидаги ҳисобварағига ва ушбу ташкилотлар ходимларининг тегишли **банк пластик карталарига белгиланган тартибда ўтказиб беради.**

ДХШ асосидаги МТТга ўриндошлик асосида ишга қабул қилинадиган ходимнинг иш вақти жамланган ҳолда ҳисоблаб юритилганда, ўриндошлик асосида иш вақтининг умумий давомийлиги ҳисобга олиннадиган давр учун **ўриндошлик асосидаги лавозим бўйича иш вақти нормасининг ярмидан ортиқ бўлмаслиги керак.** Бунда ҳисобга олиннадиган давр бир ойдан ортиқ бўлмаслиги, кунлик ишнинг (сменанинг) давомийлиги эса — **ўн икки соатдан ортиқ бўлмаслиги керак.**

Техник ёки бошқа сабабларга кўра ҳисобот ойда НМТТБАТда **субсидия ва (ёки) компенсациянинг ортиқча ёки кам ҳисобланганлиги аниқланганда**, ҳисобот ойдан кейин келадиган ойда ушбу субсидия ва (ёки) компенсациялар тегишли суммалар қўшилган (ёки камайтирилган) ҳолда ҳисоб-китоб қилинади.

ДХШ асосидаги МТТ раҳбари ушбу ташкилот ва ходимларига тегишли бўлган маълумотларнинг НМТТБАТга ўз вақтида киритилиши, уларнинг тўлиқлиги ва ҳаққонийлиги бўйича **жавобгар** ҳисобланади. Бунда:

! НМТТБАТга нотўғри ёки тўлиқ бўлмаган маълумотлар киритилиши натижасида субсидия ва компенсацияларни молиялаштириш имконияти бўлмаса, жавобгарлик тегишли оилавий МТТ раҳбарига юкланади;

! маълумотларнинг тўғрилиги ва тўлиқлиги таъминлангандан сўнг субсидиялар ва компенсациялар қайта ҳисоб-китоб қилиниб, ҳисобот ойдан кейин келадиган ойда белгиланган тартибда молиялаштирилади;

ДХШ асосидаги МТТда (*иш ҳақи харажатларини қоплаш учун субсидия олмайдиган ДХШ асосидаги МТТлар бундан мустасно*) кадрлар таркиби ўзгариши билан боғлиқ бўлган маълумотлар ходимлар ишга қабул қилинган ва ишдан бўшатиш кунда НМТТБАТга киритилиши ҳамда уларнинг давомати ушбу Низомда белгиланган тартибда ҳисобга олиниши зарур.



ДХШ АСОСИДАГИ ВА БОШҚА НОДАВЛАТ МТТГА СУБСИДИЯЛАР ҲАМДА КОМПЕНСАЦИЯЛАРНИ ҲИСОБЛАШДА НМТТБАТДАН ФОЙДАЛАНИШ ТАРТИБИ



ДХШ асосидаги ва хусусий МТТга Давлат бюджети маблағларидан субсидиялар ва компенсациялар миқдори улар томонидан НМТТБАТ ва унинг мобил иловасидан фойдаланиш билан боғлиқ харажатлар амалга оширилгандан сўнг ҳисобланади.

ДХШ асосидаги ва бошқа нодавлат МТТга ҳар ойлик субсидия ва компенсациялар:


✔ НМТТБАТда тўғри ва ўз вақтида ҳисобланиши, уларни молиялаштириш учун талабномалар тақдим этилиши ва тўловлар белгиланган муддатларда амалга оширилишида **Мактабгача ва мактаб таълими вазирлиги** масъул ҳисобланади;


✔ ўз вақтида молиялаштирилишига **Иқтисодиёт ва молия вазирлиги масъул** ҳисобланади.

ИЛОВАЛАР

1-илова

Нодавлат мактабгача таълим ташкилотларига Давлат бюджети маблағларидан субсидиялар ва компенсацияларни ажратиш ва тўлаш СХЕМАСИ





20__ йил _____ оyi учун «_____» ДХШ асосидаги МТТда таълим олаётган ҳар бир бола учун
субсидия олишга
 БУЮРТМАНОМА

Ташкилот СТИРи _____

Ҳудуд номи _____

Туман (шаҳар) номи _____

МФЙ номи _____

Уй рақами _____

Т/р	Тарбияланувчи тўғрисида маълумотлар			Ҳисобот ойида			
	ФИО	Туғилган санаси	Туғилганлик ҳақидаги гувоҳнома серияси ва рақами	Тарбияланувчининг МТТга қатнаган кунлари сони	Субсидиянинг республика бўйича қатъий кунлик миқдори	Тарбияланувчи таъминоти учун тўланган маблағ (ота- оналар тўлови миқдори)*	Тарбияланувчи учун ажратиладиган субсидия суммаси (4 уст*5 уст+6 уст)
а	1	2	3	4	5	6	7
1.							
2.							
...							
	ЖАМИ:	Х	Х				

* Боқувчисини йўқотган аёллар фарзандлари ота-оналар тўловларидан озод этилади, тегишли ҳудуддаги 9 соатлик иш режимидаги давлат мактабгача таълим ташкилотлари учун белгиланган миқдорларда қоплаб берилади.

**20__ йил _____ ойи учун «_____» ДХШ асосидаги МТТга иш ҳақи харажатлари учун
субсидияни олишга
БҮҮРТМАНОМА**

Ташкилот СТИРи _____

Худуд номи _____

Туман (шаҳар) номи _____

МФЙ номи _____

Уй рақами _____

Т/р	Ходимнинг Ф.И.О.	Лавозими	Иш ставкаси	Базавий тариф ставкалари миқдорлари (сўм)	Ҳисобот ойида					
					Ҳисобот ойида иш кунлари сони	Ходим ҳақиқатда ишлаган иш кунлари сони*	Туман коэффициенти суммаси	Бир ойлик иш ҳақи миқдори (4 уст/5 уст*6 уст*3 уст)+7 уст)	Иш ҳақига нисбатан ягона ижтимоий тўлов (8 уст * 0,05)	Ажратиладиган субсидия, жами (сўм) (8 уст+9 уст)
<i>a</i>	<i>1</i>	<i>2</i>	<i>3</i>	<i>4</i>	<i>5</i>	<i>6</i>	<i>7</i>	<i>8</i>	<i>9</i>	<i>10</i>
1.										
2.										
...										
Жами										

* Ходимнинг айбисиз (ҳудуддаги фавқулодда ҳолатлар, об-ҳавонинг кескин совиб ёки исиб кетиши натижасида маҳаллий ҳокимликлар қарорлари асосида таълим муассасаларининг фаолияти вақтинча тўхтатилганда, санитария-эпидемиологик вазиятлар ва бошқа фавқулодда ҳолатлар рўй берганида) бекор туриб қолинган кунлар ҳам қўшилади.

**20__ йил _____ ойи учун «_____» оилавий МТТда таълим олаётган ҳар бир бола учун субсидия
олишга
БУЮРТМАНОМА**

Ташкилот СТИРи _____

Худуд номи _____

Туман (шаҳар) номи _____

МФЙ номи _____

Уй рақами _____

Т/р	Тарбияланувчи тўғрисида маълумотлар			Ҳисобот ойда			
	ФИО	Туғилган санаси	Туғилганлик ҳақидаги гувоҳнома серияси ва рақами	Тарбияланувчининг МТТга қатнаган кунлари сони	Субсидиянинг республика бўйича қатъий кунлик миқдори	Тарбияланувчи таъминоти учун тўланган маблағ (ота-оналар тўлови миқдори)*	Тарбияланувчи учун ажратиладиган субсидия суммаси (4 уст*5 уст+6 уст)
<i>a</i>	<i>1</i>	<i>2</i>	<i>3</i>	<i>4</i>	<i>5</i>	<i>6</i>	<i>7</i>
1.							
2.							
...							
	ЖАМИ:	X	X				

* Боқувчисини йўқотган аёллар фарзандлари ота-оналар тўловларидан озод этилади, тегишли ҳудуддаги 9 соатлик иш режимидаги давлат мактабгача таълим ташкилотлари учун белгиланган миқдорларда қоплаб берилади.

20__ йил _____ ойи учун «_____» оилавий МТТга юмшоқ жиҳозлар ва дори воситалари харажатлари
 бўйича субсидияларни олиш учун
 БУЮРТМАНОМА

Ташкилот СТИРи _____

Худуд номи _____

Туман (шаҳар) номи _____

МФЙ номи _____

Уй рақами _____

Т/р	Тарбияланувчининг ФИО	Ҳисобот ойидаги иш кунлари сони	Тарбияланувчилар сони*	Ҳисобланган жами субсидия суммаси (6 уст+8 уст)	Шундан:				
					Юмшоқ жиҳозлар тури		Дори воситаси тури		
					Республика бўйича қатъий миқдори	Субсидия суммаси (3 уст*5 уст)	Республика бўйича қатъий миқдори	Субсидия суммаси (3 уст*7 уст)	
а	1	2	3	4	5	6	7	8	
1.									
2.									
...									
Жами									

* Ҳисобот ойида оилавий МТТга давомати 40 фоиздан юқори бўлган тарбияланувчиларнинг сони.